

四庫全書

集部

欽定四庫全書

唐詩品彙卷七十三

明 高棅 編

五言排律三

正始

下

李乂

奉和幸長安故城未央宮應制

鳳輦乘春陌
龍山訪故臺
北宮纔盡處
南斗獨昭回
肆

覽飛宸札稱觴引御杯已觀蓬海變誰厭栢梁災代
挹孫通禮朝稱賈誼才忝儕文雅地先後各時來

奉和聖製幸禮部尚書竇希玠宅

家住千門側亭臨二水傍貴遊開北第宸眷幸西鄉曳
履迎中谷鳴絲出後堂浦疑觀萬象峰似駐三光草向
瓊筵樂花承繡宸香聖情思舊里畱飲賦雕章

奉和幸望春宮送朔方大總管張宣

邊郊草具腓河塞有兵機上宰調梅寄元戎細柳威虎

貌東道出鷹隼北庭飛玉匣謀中野金輿下太微投醪
銜酌餞緝衮事征衣勿謂公孫老行聞獻凱歸

奉和幸三會寺應制

睿德總無邊神臯擇勝緣二儀齊法駕三會禮香筵漢
闕中黃近秦山太白連臺疑觀鳥日池似刻鯨年滿月
臨真鏡秋風入御絃小臣叨下列持管謬窺天

夏日都門送司馬員外逸客孫員外佺北征

時相

王為元帥魏大
夫元忠為副

日逐滋南寇天威撫北垂
析珪行杖節持印且分麾
羽檄雙鳧去兵車駟馬馳
虎旗懸氣色龍劍抱雄雌
候月期戡剪經時念別離
坐聞關隴外無復引弓兒

奉和幸韋嗣立山莊侍宴應制

台階好赤松別業對青峰
茅室承三顧花源接九重
龍旂縈秀木鳳輦拂疎筇
逕狹千官擁溪長萬騎容
水堂開禹膳山閣獻堯鐘
皇覽清居遠天文睿獎濃
崑泉他日夢魚釣往年逢
共榮丞相府偏降逸人封

鄭愔

塞外三首

塞外蕭條望征人此路賒邊聲亂朔馬秋引動胡笳
還障侵歸日長城帶晚霞斷蓬飛古戍連鴈聚寒沙
海暗雲無葉山春雪作花丈夫期報主萬里獨歸家

荒壘三秋夕窮郊萬里平海陰凝獨樹日氣下連營
戎旆霜疑重邊裘夜更輕將軍獨轉戰都尉不成名
折柳悲春曲吹笳斷夜聲明年塞使返須築受降城

陽鳥南飛夜陰山北地寒漢家征戍客年歲在樓蘭玉
塞朔風起金河秋月圓邊聲入鼓吹霜氣下旌竿海外
歸書斷天涯旅鬢殘子卿猶奉使恒向節旄看

同韋舍人早朝

瑞闕龍車峻宸庭鳳掖深才良寄天綽趨拜侶朝簪飛
鴈看成影喧車識駐音重軒輕霧入洞戶落花侵聞有
題新翰依然想舊林同聲慚卞玉謬此托韋金

奉和幸三會寺應制

鳥籀遺新閣龍旂訪古臺造書臣韻往觀跡帝義來
法界山川匝宸心宇宙該梵音隨駐輦天步接乘杯舊
苑經寒露殘池問劫灰散花將捧日俱喜聖詞開

貶降至汝州廣城驛

近郊憑汝海遐服指江干尚憶趨朝貴方知失路難曙
宮平樂遠秋澤廣城寒岸葦新花白山梨晚葉丹鄉關
千里暮歲序四時闌函塞雲間別旋門霧裏看夙年追
騷驥暮節仰鵷鸞疲駕勞垂耳騫騰遽矯翰將調梅

鉉實不正李園冠荆王終無玷隋珠忽已彈曉裝違聳
洛夕夢在長安北上頻傷阮西征未學潘傾車無共轍
同派有殊瀾去去懷知己何由報一餐

崔湜

春閨同李員外賦

落日啼連夜孤燈坐徹明捲簾雙燕入披幌百花驚隴
上寒應晚閨中織未成管絃愁不記梳洗懶無情去歲
聞西伐今年送北征容顏離別盡流恨滿長城

早春邊城懷歸

天漢羽書飛，長城未解圍。
山川凌玉障，旌節下金微。
路向南庭遠，書因北鴈稀。
鄉關搖別思，風雪故戎衣。
歲盡仍為客，春還尚未歸。
明年征騎返，歌舞及芳菲。

登總持寺閣

宿雨清龍界，晨暉滿鳳城。
昇攀重閣迴，憑覽四郊明。
井邑周秦地，山河今古情。
紆餘二水合，寥落五陵平。
處處風煙起，欣欣草木榮。
故人不可見，冠蓋滿東京。

韋元旦

早朝

震維方月季宸極衆星尊珮玉朝三陞鳴珂度九門挈
壺分早漏伏檻耀初曦北倚蒼龍闕西臨紫鳳垣詞庭
草欲奏溫室樹無言鮮翰空為忝長懷聖主恩

徐彥伯

送特進李嶠入都祔廟

特進三公下台臣百揆先孝圖開寢石祠坐卜牲筵恩

急青綸賜徂裝紫橐懸綢繆金鼎席宴餞玉橫川北斗
分征路東山起贈篇樂池歌綠藻梁苑籍紅筌騎轉商
巖日旌搖闕塞煙廟堂須鯁議錦節佇來旋

郭內

同崔員外溫泉即事

輦輅移雙闕宸遊整六師天迴紫微坐日轉羽林旗霜
氣寒戈戟軍容壯武貔弓鳴射鴈處泉煖躍龍時惠化
成觀俗謳謠入賦詩同歡王道盛相與詠雍熙

席豫

奉和聖製答張說扈從南出雀鼠谷

硤路遶河汾
晴光拂曙氛
笳吟中嶺樹
仗入半峰雲
頓覺山原盡
平看邑里分
早行芳草迴
晚憩好風薰
嘉頌推英宰
春遊扈聖君
共忻承睿渥
日月照天文

王光庭

疑作裴
光庭

奉和聖製答張說扈從南出雀鼠谷

省俗恩將遍巡方路稍迴寒隨汾谷盡春逐晉郊來雲
騎傳行漏煙旄引從臺惠風初應律和氣正調梅雅頌
通宸咏天文接曙台灞陵桃李色應待日華開

宋璟

奉和御製璟與張說源乾曜同日上官命宴都
堂賜詩一首應製

丞相邦之重非賢諒不居老臣庸且憊何德以當諸厚
秩先為忝崇班復此除太常陳禮樂中掖降簪裾聖酒

江河潤仙文象緯舒冒恩懷寵錫陳力省空虛郭隗慙
無駿馮諼愧有魚不知周勃者榮幸定何如

奉和聖製送張說巡邊

帝道薄存兵王師尚有征是關司馬法爰命總戎行
閭崇威信分麾盛寵榮聚觀方結轍出櫜遂傾城聖酒
江河潤天詞象緯明德風邊地偃聖氣朔雲平宰國摧
良器為軍挹壯聲至和常得體不戰即忘精以智泉寧
竭其徐海自清遲還廟堂坐贈別故人情

蒲津迎駕

回鑾下蒲阪飛旆指秦京洛上黃雲送關中紫氣迎霞
朝看馬色月曉聽雞鳴防拒連山險長橋壓水平省方
知化洽察俗覺時清天下長無事空餘襟帶名

奉和聖製送張說赴朔方軍

聖主重兵權分麾屬大賢中軍仍執節丞相復巡邊
翕習戎裒動張皇廟略宣朝榮承睿禮野餞轉行旃
亭障東緣海沙場北際天春冬見巖雪朝夕候烽煙
已勒封

山記猶聞遣戍篇五營將月合八陣與雲連經畧圖方
遠懷柔道更全歸來畫麟閣後代武功傳

趙彥昭

奉和幸大薦福寺

寺乃中
宗舊宅

瑤地龍飛後金身佛現時千花開國界萬善累皇基北
闕承行幸西園屬住持天衣拂舊石王舍起新祠剎鳳
迎雕輦幡虹駐采旗同沾小雨潤竊仰大風詩

奉和幸韋嗣立山莊應制

賢族唯題里儒門但署鄉如何表巖洞宸翰發輝光地
在茲山曲家鄰郤水陽六龍駐旌竿四牡耀旂常北斗
臨台坐東山入廟堂天高羽翼近主聖股肱良野竹池
亭氣村花澗谷香縱然懷豹隱空愧躡鴛行

崔沔

奉和聖製同二相已下羣官樂遊園宴

五日醑纔畢千年樂未央復承天所錫終燕國之陽地
勝春逾好思深樂更張落花飛廣坐垂柳拂行觴庶尹

陪三史諸侯具萬方酒酣同并躍歌舞詠時康

胡皓

奉和聖製同二相已下羣官樂遊園宴

五酺終宴集二錫又驩娛仙阜崇高異神州覽眺殊南
山臨皓雪北闕對明珠宰坐鵷鴻滿倡庭駟馬趨綺羅
含草樹絲竹吐郊衢銜杯不能罷歌舞恣唐虞

王翰

奉和聖製同二相已下羣官樂遊園宴

未極人心暢何知帝道明仍嫌酺宴促復寵樂遊行陸
海披珍藏天河望斗城四關青靄合數處白雲生鼎餗
調元氣歌鐘溢雅聲空慚堯舜日至德杳難名

崔尚

奉和聖製同二相已下羣官樂遊園宴

春日照長安皇恩寵庶官合錢承罷飲宴帛賜追歡供
帳憑高列城池入迴寬花催相國醉鳥和樂人彈北闕
雲中見南山樹杪看樂遊宜締賞舞詠惜將闌

王丘

奉和聖製答張說扈從南出雀鼠谷

襟帶三秦接旂常萬乘過陽源淑氣早陰谷沍寒多花
縟前郊仗霜嚴後殿戈戍雲開晉嶺江鴈入汾河北土
分堯俗南風動舜歌一聞天樂唱共逐萬人和

袁暉

奉和聖製答張說扈從南出雀鼠谷之作

魏國山河險周王警蹕迴九旗雲際出萬騎谷中來石

岸行將盡煙郊望忽開賞矜垂柳拂春畏落花催興逸
橫汾體恩褒作頌才小臣瞻日月延首詠康哉

崔翹

奉和聖製答張說扈從南出雀鼠谷

鳴鑾初幸伐旋蓋欲橫汾嶺盡千旗出郊平五校分前
林已暄景後壑尚寒氛風送簫韶曲花迎黼黻文鹽梅
推上宰禮樂統中軍獻賦紆天札飄飄飛白雲

張嘉貞

奉和聖製答張說扈從南出雀鼠谷

天錫我宗盟元戎付夏卿多材兼將相必勇獨橫行經
緯稱人傑文章作代英山川看是陣草木想為兵不待
河水合猶防塞月明有謀當繫醜無戰且綏氓聞外專
三畧雲中冀一平感恩同義激悵別屢魂驚直視前旌
掣遙聞後騎鳴還期方定日復此出郊迎

盧從願

奉和聖製答張說扈從南出雀鼠谷

上將發文昌中軍靜朔方占星引旌節擇日拜壇場禮
樂臨軒送威聲出塞揚安邊俟帷幄制勝在巖廊作鼓
將軍氣投醪壯士觴戒途遵六月離贈動三光槐路清
梅暑蘅臯起麥涼時文仰雄伯耀武鎮遐方衽席知無
戰兵戈示不忘佇聞歌杖杜凱入繫名王

徐知仁

奉和聖製答張說扈從南出雀鼠谷

聖德膺三統皇威被八埏大明均照物小醜未寧邊國

相台衡重元戎廟畧宣紫泥方受命黃石乃推賢問臯
陰山下安人屬國前度關行照月乘障坐消煙北闕紆
黃藻南橋列褱筵耀威當夏日殺氣指秋天鞞鼓鼉鼉
振旌旗鳥獸懸由來詞翰手今見勒燕然

賀知章

奉和聖製答張說扈從南出雀鼠谷

荒憬盡懷忠梯航已自通九功雖不戰五月尚持戎遣
戍徵周牒恢邊重漢功撰車命元宰校律取文雄胃出

天弧上謀成帝幄中詔旂分夏物專土錫唐弓帳宿伊
川右鉦傳晉苑東饗人藉蕡實樂土理絲桐岐陌涵
餘雨離川照晚虹恭聞詠方叔千載舞皇風

徐安貞

奉和聖製早度蒲關

仙掌臨秦甸虹橋關晉關兩都分地險一曲渡河灣路
得津門要時稱古戍閒城花春正發岸柳曙堪攀後
乘猶臨水前旌欲換山長安迴望日宸御六龍還

宇文融

奉和聖製左丞相說右丞相璟太子少傅乾曜
同日上官命宴都堂賜詩一首

申甫生周日宣慈舉舜年何如偶昌運比德邁前賢寵
護元良密榮瞻端揆遷職優三事老位極百僚先北極
迴宸渥南宮飾御筵飛文瑤札降賜酒玉杯傳謬列台
衡重俱承雨露偏誓將同竭力相與効塵涓

韓休

奉和御製平胡

南牧正紛紛長河起塞氛
玉兵徵選士金鉞拜將軍
疊鼓搖邊吹連旌暗朔雲
祆星乘夜落吉氣入朝分
始見幽烽警俄看烈火焚
功成奏愷樂戰罷策歸勲
盛德陳清廟神謨屬大君
叨榮逢偃羽率舞詠思文

裴淮

奉和御製平胡

玄漢聖恩通由來書軌同
忽聞窺月滿相聚冠雲中
廟

畧占黃氣神兵出絳宮將軍行逐虜使者亦和戎一舉
輶輶滅再麾沙朔空直將威禁暴非用武為雄飲至明
軍禮疇勲錫武功干戈還載戢文德在唐風

韋述

奉和聖製送張說上集賢學士賜燕

得華字

修文中禁啓改字令名加台座徵人傑書坊應國華賦
詩開廣宴賜酒酌流霞雲散明金闕池開照玉沙掖垣
畱宿鳥溫樹落餘花繆此天光及銜恩醉日斜

源乾曜

奉和聖製送張說上集賢學士賜燕

得迎字

盛業光書府，微人盡國英。
司綸賢得相，羣俊學為名。
寵命垂天錫，崇恩發睿情。
薰風清禁籞，文殿述皇明。
日霽庭陰出，池暉水氣生。
歡娛此無恨，詩酒自相迎。

韓抗

奉和聖製送張說上集賢學士賜燕

得西字

廣庭臨碧沼，多士侍金闥。
英宰文儒叶，明君日月齊。
集

欽定四庫全書

唐詩四庫
卷七十三

十五

賢光首拜改殿發新題
早夏初移律餘花尚拂蹊
壺觴接雲上經術引關西
聖德鴻名遠將陪玉檢泥

程行誼

奉和聖製送張說上集賢學士賜燕

得迴字

聖主崇文化鏘鏘得盛才
相因歸夢立殿以集賢開象
繫微言闡詩書至道該堯搏
承帝澤禹膳自天來禮洽
歡逾長風恬暑更迴國朝將
舜頌同是一康哉

陸堅

奉和聖製送張說上集賢學士賜燕

得今字

聖主崇文教層霄降德音尊賢澤既厚式宴寵逾深
復有夔龍相良哉簡帝心得人惟邁昔多士諒推今書
殿榮光滿儒門喜氣臨顧惟誠濫次徒此接衣簪

蕭嵩

奉和聖製送張說上集賢學士賜燕

得登字

帝曰簡才能旌賢在股肱文章體一變禮樂道逾弘芸
閣英華入賓門駕鷺登恩筵過所望聖澤實超恒夏葉

開紅藥餘花發紫藤微臣亦何幸叨此預文明

褚琇

奉和聖製送張說上集賢學士賜燕

得風字

講習延東觀趨陪盛北宮惟師恢帝則敷教叶天工宣
室恩嘗異金華禮更崇洞門清永日華綬接徽風蕙降
堯厨翠樞看舜酒紅文思光萬宇高議待升中

武平一

奉和幸新豐溫泉宮應制

秦王登碣石周后襲崑崙何必在遐遠方稱萬寓尊我
皇順時豫星駕動軒轅雄戟交馳道清笳度國門迴輿
長樂觀校獵上林園行漏移三象連營總八屯旌搖鷁
鷁谷騎轉鳳凰原絕壁蒼苔古靈泉碧溜溫參差開水
殿窳窳敞巖軒豐邑模猶在驪宮迹尚存煙松銜翠幄
雪逕遶花源侍從推玄草文章召武賁深仁浹夷夏大
造溢乾坤謬忝王枚列多慚雨露恩

苗晉卿

奉和聖製早登太行山中言志

金吾戒道清羽騎動天聲砥路方南紀重巖始北征關
樓前望遠河邑下觀平喜氣迴輿合祥風入旆輕祝堯
三老至會禹百神迎月令農先急春蒐禮後行仍親后
土祭更理晉陽兵不以勞車徹空畱八駿名

孫逖

江行有懷

秋水明川路輕舟轉石圻霜多山橘熟寒至浦禽稀飛

席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

登越州城

越嶂繞層城登臨萬象清封圻滄海合鄞市碧湖明曉
日漁歌滿芳春棹唱行山風吹美箭田雨潤香粳代閱
英靈盡人間吏隱并贈言王逸少已見曲池平

送新羅法師還國

異域今無外高僧世所稀苦心窮寂滅宴坐得精微持

鉢何年至傳燈是日歸上卿揮別藻中禁下禪衣海濶
杯還度雲遙錫更飛此行迷處所何以慰虔祈

送趙都護赴安西

外域分都護中臺命職方欲傳清廟畧為取劇曹郎已
珮登壇印猶懷仗奏章百壺開祖餞駟牡結戎裝青海
連西冀黃河帶北涼關山瞻漢月戈劍宿胡霜體國才
先著論兵策復長果持文武術還繼杜當陽

立秋日題安昌寺北山亭

樓觀倚長霄登攀及霽朝高如石門頂勝擬赤城標天
路雲虹近人寰氣象遙山圍伯禹廟江落五胥潮徂暑
迎秋薄涼風是日飄菓林惟苦李萍水覆甘蕉覽古嗟
夷漫凌空愛汰寥更聞金刹下鐘梵晚蕭蕭

奉和李右相中書壁畫山水

廟堂多暇日山水契真情欲寫高深趣還因藻繪成
江臨戶牖三峽繞簷楹花柳窮年發煙雲逐意生能令
萬里近不覺四時行氣染荀香馥光含樂鏡清詠歌齊

出處圖畫表冲盈自保千年遇何論八載榮

和崔司馬登稱心山寺

羣府乘休日王城訪道初覺花迎步履香草籍行車倚
閣觀無際尋山盡太虛巖空迷禹跡海靜望秦餘翡翠
巢珠網鷗雞間綺䟽地靈資淨土水若護真如寶樹誰
攀折禪雲自卷舒晴分五湖勢煙合九夷居生滅紛無
象窺臨已得魚常聞寶刀贈今日奉瑀琚

玄宗皇帝

早度蒲關

王荆公百家選以此篇為開卷第一

鐘鼓嚴更曙山河野望通鳴鑾下蒲坂飛旆入秦中地
險關逾壯天平鎮尚雄春來津樹合月落戍樓空馬色

分朝景難聲逐曉風所希當道泰非復棄繻同

朱子語錄云明

皇資稟英邁只看他做詩出來是什麼氣魄如飛蓋入秦中多少飄逸便有帝王氣燄

集賢書院成送張說上集賢學士賜燕

廣學開書院崇儒引席珍
集賢招袞職論道命台臣
禮樂沿今古文章革舊新
獻酬尊俎列賓主位班陳
節變

雲初夏時移氣尚春所希光史冊千載仰茲辰

春晚宴兩相及禮官於麗正殿

探得風字

乾道運無窮恒將人代工陰陽調歷象禮樂報玄穹
介冑清荒外衣冠佐域中言談延國輔詞賦引文雄
野霽伊川綠郊明輦樹紅冕旒多暇景詩酒會春風

首夏花萼樓觀羣臣宴寧王山亭迴樓下又申

之以賞樂賦詩

今年通閏月入夏展春輝樓下風光晚城隅宴賞歸
九

歌揚政要六舞散朝衣天喜時相合人和事不違禮中
推意厚樂處感心微別賞陽臺樂前旬暮雨飛

同二相已下羣官樂遊園宴

撰日巖廊暇需雲宴樂初萬方朝玉帛千品會簪裾地
入南山近城分北斗餘池塘垂柳暗原野雜花疎帝幙
看逾暗歌鐘聽自虛興闌歸騎轉還奏弼違書

南出雀鼠谷答張說

雷出應乾象風行順國人川塗猶在晉車馬漸歸秦背

破關山險橫汾鼓吹震草依陽谷變花待北嶠春聞有
鴛鸞客清詞雅調新求音思欲報心跡竟難陳

賜崔日知往潞州

潞國開新府壺闔寵舊林妙旌循吏德特悅庶氓心禮
樂中朝貴仁明列郡欽揚風非贈扇易俗是張琴藩鎮
謳謠滿行宮雨露深會書丞相策先賜潁川金

左丞相張說右丞相宋璟太子少傅乾曜同日
上官命宴都堂賜詩一首

赤帝收三傑黃軒舉二臣由來丞相重分掌國之均我
有握中璧雙飛席上珍子房推道要仲子訝風神復輟
台衡老將為調護人鴛鴦同拜日車騎擁行塵樂聚南
宮宴觴連北斗醇俾子成百揆垂拱門彛倫

早登太行山中言志

清蹕度河陽凝笳上太行火龍明鳥道鐵騎遶羊腸白
霧埋陰壑丹霞助曉光澗泉含宿凍山木帶餘霜野老
茅為室樵人薜作裳宣風問耆艾敦俗勸耕桑涼德慚

先哲徽猷慕昔皇不因今展義何以冒垂堂

送張說巡邊

端拱復垂裳長懷御遠方股肱申教義戈劍靜要荒
命將綏邊服雄圖出廟堂三台入武帳八座起文昌
瑤胃匡韓主華宗輔漢王茂先慚博物平子謝文章
盡節恢時佐輸誠禦寇場三軍臨朔野駟馬即戎行
鼓吹威夷狄旌軒溢洛陽雲臺先著美今日更貽芳

餞王版巡邊

振武威荒服揚文肅遠墟金壇申將禮玉節受軍符免
胃三方外銜刀萬里餘昔時吳會靜今日虜庭虛分閫
仍推轂援桴且訓車風揚旌旆遠雨洗甲兵初坐見分
階謚行聞被祿除檄來雖插羽箭去亦飛書舟楫功須
著鹽梅望匪疎不應陳七德欲使化先敷

欽定四庫全書

唐詩品彙
卷七十三

唐詩品彙卷七十三

欽定四庫全書

唐詩品彙卷七十四

明 高棅 編

五言排律四

正宗

王維

奉和聖製上巳於望春亭觀禊飲應制

長樂青門外宜春小苑東樓開萬戶上輦過百花中畫

鷓鴣仙仗金貂列上公清歌邀落日妙舞向春風渭水
明秦甸黃山入漢宮君王來被袂灞澹亦朝宗

奉和聖製與太子諸王三月三日龍池春禊應制
故事修春禊新宮展豫遊明君移鳳輦太子出龍樓賦
掩陳王作杯如洛水流金人來捧劍畫鷁去迴舟花樹
浮宮闕天池照晃旒宸章在雲漢垂象滿皇州

三月三日勤政樓侍燕應制

綵仗連宵合瓊樓拂曙通年光三月裏宮殿百花中不

數秦王日誰將洛水同酒筵嫌落絮舞袖怯春風天保
無為德人歡不戰功仍臨九衢宴更達四門聰

三月三日曲江侍宴應制

萬乘親齋祭千官喜豫遊奉迎從上苑
袂襪向中流草樹連容衛山河對冕旒
畫旗搖浦淑春服滿汀洲仙樂龍媒下
神臯鳳蹕留從今億萬歲天寶紀春秋

奉和聖製暮春送朝集使歸郡應制

萬國仰宗周衣冠拜冕旒玉乘迎大客
金節送諸侯祖

席傾三省褰帷向九州
楊花飛上路槐色蔭通溝
來預釣天樂歸分漢主憂
宸章類河漢垂象滿中州

春日直門下省早朝

騎省直明光雞鳴謁建章
遙聞侍中珮暗識令公香
玉漏隨銅史天書拜夕郎
旌旗映闔闔歌吹滿昭陽
官舍梅初紫宮門柳欲黃
願將遲日意同與聖恩長

送李太守赴上洛

商山包楚鄧積翠藹沈沈
驛路飛泉灑關門落照深
野

華開古戍行客響空林板屋春多雨山城晝欲陰丹泉
通號畧白羽抵荆岑若見西山真應知黃綺心

曉行巴峽

際曉投巴峽餘春憶帝京晴江一女浣朝日衆禽鳴水
國舟中市山橋樹杪行登高萬井出眺迥二流明人作
殊方語鶯為舊國聲賴多山水趣稍解別離情

奉秘書晁監還日本

姚合極玄集
以此篇壓卷

積水不可極安知滄海東九州何處遠

劉云九州
用騶忌語

萬里

若乘空向國唯看日歸帆但信風鰲身映天黑魚眼射
波紅鄉樹扶桑外主人孤島中別離方異域音信若為
通

贈焦道士

海上遊三島淮南預八公坐知千里外眺向一壺中

劉云

每作清
素可貴

縮地朝珠闕行天使玉童飲人聊割酒送客下

分風

劉云
奇

天老能行氣吾師不養空謝君徒雀躍無可

問鴻濛

和陳監四郎秋雨中思從弟據

娟娟秋風動萋萋煙雨繁聲連鵲觀色暗鳳凰原
細柳疎高閣輕槐落洞門九衢行欲斷萬井寂無喧
忽有愁霖唱更陳多露言平原思令弟康樂謝賢昆
逸興方三接衰頽強七奔相如今老病歸守茂陵園

過沈居士山居哭沈居士

楊朱來此哭桑扈返於真獨自成千古依然舊四鄰
聞簷喧鳥雀故榻滿埃塵曙月孤鶯轉空山五柳春
野花

愁對客泉水咽迎人善卷明時隱黔婁在日貧逝川嗟
爾命丘井歎吾身前後徒言隔相悲詎歲晨

和僕射晉公扈從溫湯

時為右
補闕

天子幸新豐旌旗渭水東寒山天仗裏溫谷幔城中
奠玉羣仙座焚香太乙宮出遊逢牧馬罷獵有非熊
上宰無為化明時太古同靈芝三秀紫陳粟萬箱紅
王禮尊儒教天兵小戰功謀猷歸哲匠辭賦屬文宗
司諫方無闕陳詩且未工長吟吉甫頌朝夕仰清風

遊感化寺

翡翠香煙合琉璃寶殿平
龍宮連棟宇虎穴傍簷楹
谷靜唯松響山深無鳥聲
瓊峰當戶拆金澗透林明
郢路雲端迥秦川雨外晴
鴈王銜果獻鹿女踏花行
抖擻辭貧里歸依宿化城
遶離生野蕨空館殘山櫻
杏飯青菰米嘉蔬綠笋羹
誓陪清梵末端坐學無生

奉和聖製幸玉霄公主山莊因題石壁十韻之
作應制

碧落風煙外瑤臺道路賒如何連帝苑別自有仙家此
地迴鑿駕緣溪轉翠華洞中開日月牕裏發雲霞庭養
冲天鶴溪留上漢槎種田生白玉泥竈化丹砂谷靜泉
逾響山深日已斜御羹和石髓香飯進胡麻大道今無
外長生詎有涯還瞻九霄上來往五雲車

李白

送儲邕之武昌

黃鶴西樓月長江萬里情春風三十度空憶武昌城送

爾難為別銜杯惜未傾湖連張樂地山逐汎舟行諾謂
楚人重詩傳謝朓清滄浪吾有曲寄入棹歌聲

送友人尋越中山水

聞道稽山去偏宜謝客才千巖泉灑落萬壑樹縈迴東
海橫秦望西陵遶越臺湖清霜鏡曉濤白雪山來八月
枚乘筆三吳張翰杯此中多逸興早晚向天台

送梁公昌從新安北征

入幙推英選捐書事遠戎高談百戰術鬱作萬夫雄起

舞蓮花劍行歌明月宮將飛天地陣兵出塞垣通祖席
留丹景征麾拂彩虹旋應獻凱入麟閣貯深功

送紀秀才遊越

海水不滿眼觀濤難稱心即知蓬萊石却是巨鰲簪送
爾遊華頂令余發烏吟仙人居射的道士住山陰禹穴
尋溪入雲門隔嶺深綠蘿秋月夜相憶在鳴琴

秋日與張少府楚城韋公藏書高齋作

日下空亭暮城荒古跡餘地形連海盡天影落江虛舊

賞人雖隔新知樂未踈彩雲思作賦丹壁間藏書

間一作滿

查擁隨流葉萍開出水魚夕來秋興滿回首意何如

宣州九日聞崔侍御與宇文太守遊敬亭余時
登響山不同此賞醉後寄崔

九卿天上落五馬道傍來列戟朱門曉寨帷碧帳開登
高望遠海召客得英才紫綬歡情洽黃花逸興催山從
圖上見溪即鏡中迴遙羨重陽作應過戲馬臺

贈易秀才

少年解長劍投贈即分離何不斷犀象精光暗往時蹉跎君自惜竄逐我因誰地遠虞翻老秋深宋玉悲空摧芳桂色不屈古松姿感激平生意勞歌寄此辭

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘仙郎久為別客舍問何如涸轍思流水浮雲失舊居多慙華省貴不以逐臣踈復似竹林下叨陪芳宴初希君生羽翼一化北溟魚

春日歸山寄孟浩然

朱紱遺塵鏡青山謁梵筵金繩開覺路寶筏度迷川
樹攢飛拱出花覆谷泉塔形標海月樓勢出江煙香氣
三天下鐘聲萬壑連荷秋珠已滿松密蓋初圓鳥聚疑
聞法龍參若護禪愧非流水韻叨入伯牙絃

過四皓墓

我行至商洛幽獨訪神仙園綺復安在雲蘿尚宛然荒
涼千古跡蕪沒四墳連伊昔鍊金鼎何年閉玉泉隴寒

惟有月松古漸無煙木魅風號去山精雨嘯旋紫芝高
詠罷青史舊名傳今日併如此哀哉信可憐

秋日登揚州西靈塔

寶塔凌蒼蒼登攀覽四荒頂高元氣合標出海雲長萬
象分空界三天接畫梁水搖金剝影日動火珠光鳥拂
瓊簾度霞連繡棋張目隨征路斷心遂去帆揚露浩梧
楸白霜催橘柚黃玉毫如可見於此照迷方

范梈機云
登塔詩亦

悠然而
不淫者

中丞宋公以吳兵赴河南軍次尋陽脫余之囚
參謀幕府因贈之

獨坐清天下專征出海隅

范云真長律起辭也雄渾而嚴

九江皆渡虎

三郡盡還珠組練明秋浦樓船入郢都風高初選將月
滿欲平胡殺氣橫千里軍聲動九區白猿慙劍術黃石
借兵符戎虜行當剪鯨鯢立可誅自憐非劇孟何以佐

良圖

劉云句句壯末韻更佳

孟浩然

登總持寺塔

半空躋寶塔晴望盡京華竹遶渭川徧山連上苑斜四
門開帝宅阡陌俯人家累刼從初地為童憶聚沙坐覺
諸天近空香送落花

劉云盛麗高曠佛地幻語無不具

泊宣城界

西塞松江島南陵問驛樓湖平津濟濶風止客帆收去
去懷前浦茫茫汎夕流石逢羅剎礙山泊敬亭幽火熾
梅根冶煙迷楊葉洲離家復水宿相伴賴沙鷗

西山尋辛諤

漾舟尋水便因訪故人居落日清川裏誰言獨羨魚石
潭窺洞徹沙岸歷紆餘竹嶼見垂釣茅齋聞讀書歎言
忘景夕清興屬涼初回也一瓢飲賢哉樂晏如

劉云自
言其趣

亦頗
簡淡

送朱去非遊巴東

硯山南郭外送別每登臨沙岸江村近松門野寺深一
言余有贈三峽爾相尋祖席宜城酒征途雲夢林蹉跎

遊子意春戀故人心去矣勿淹滯巴東猿夜吟

陪張丞相自松滋江東泊渚宮

放溜下松滋登舟命楫師詎忘經濟日不憚沍寒時洗
纈豈猶古濯纓良在茲政成人自理機息鳥無疑雲物
吟孤嶼江山辨四維晚來風稍緊冬至日行遲獵響驚
雲夢漁歌激楚辭渚宮何處是川暝欲安之

劉云工處
渾然不似

深思
者

送蕭員外之荊州

時在峴
山作

峴山江岸曲郢水郭門前自古登臨地非今獨黯然

劉云

寫入中對
自曠自癡

高樓明落照井邑秀通川澗竹生幽興林風

入管絃再飛鵬激水一舉鶴冲天佇立三荆使看君駟

馬旋

來闍梨新亭作

八解禪林秀三明給苑才地偏香界遠心淨水亭開傍

險山查立尋幽石徑迴瑞花長自下靈藥豈須栽碧網

交紅樹清泉盡綠苔

劉云交與盡字亦
有摸寫第不彫飾

戲魚聞法聚閒

鳥誦經來棄象玄應悟忘言理必該靜中何所得吟詠
也徒然

九日峴山宴

宇宙誰開闢江山此鬱盤登臨千古用風俗歲時觀地
理荊州分天涯楚塞寬百城今刺史華省舊郎官共美
重陽節俱懷落帽歡酒邀彭澤載琴輟武城彈獻壽光
浮菊尋幽或藉蘭煙虹鋪藻翰松竹掛衣冠叔子神如
玉山公興欲闌傳聞車馬醉還向習池看

過吳張二子檀溪別業

卜築依然在

劉云一句欲盡甚得妙意

檀溪不更穿園林三友接水

竹數家連

劉云成村可畫

直取南山對非闕選地偏草堂時偃

曝蘭柅日周旋外事情都遠中流性所便閒垂太公釣
興發子猷船予亦幽棲者經過竊慕焉梅花殘臘日柳
色半春天鳥泊隨陽鴈魚藏縮項鰻停杯問山簡何似
習池邊

高適

送柴司戶充劉卿判官之嶺外

嶺外資雄鎮朝端寵節旌月卿臨幕府星使出詞曹海
對羊城濶山連象郡高風霜驅瘴癘忠信涉波濤別恨
隨流水交情脫寶刀有才無不適行矣莫徒勞

陪竇侍御汎靈雲池

白露先時降清川思不窮江湖仍塞上舟楫在軍中舞
換臨津樹歌饒向晚風夕陽連積水邊色滿秋空乘興
宜投轄邀歡莫避驄誰憐持弱羽猶欲伴鷗鴻

同熊少府題盧主簿茅齋

盧兼有
人倫

盧院野情在茅齋秋興存孝廉趨下位才子出高門乃
繼幽人靜能令學者尊江山歸謝客神鬼下劉琨階樹
時攀折牕書任討論自堪成獨往何必武陵源

陪竇侍御靈雲南亭宴詩并序

得雷
字

涼州近胡高下其池亭蓋以耀蕃落也幕府董師
雄勇徑踐戎庭自陽關而西猶枕席矣軍中無事
君子飲食宴樂宜哉白簡在邊清秋多興況水具

舟楫山兼亭臺始臨泛而寫煩俄登陟以寄傲絲
桐徐奏林木更爽觴蒲桃以述歡指蘭茝而可掇
湖天一望雲物蒼然雨蕭蕭而牧馬聲斷風嫋嫋
而邊歌幾處員外李公曰七日者何牛女之夕也
夫賢者何得謹其時請賦南亭詩列之於後

人幽宜眺聽目極喜亭臺風景知愁在關山憶夢迴祇
言殊語默何意忝遊陪連唱波瀾動冥搜物象開新秋
歸遠樹殘雨擁輕雷簷外長天盡尊前獨鳥來常吟塞

下曲多謝幙中才河漢徒相望嘉期安在哉

同李員外賀哥舒大夫破九曲之作

遙傳副丞相昨日破西蕃作氣羣山動揚軍大旆翻
奇兵邀轉戰連弩絕歸奔泉噴諸戎血風驅死虜魂
頭飛攢萬戟面縛聚轅門鬼哭黃埃暮天愁白日昏
石城與巖險鐵騎若雲屯長策一言決高蹤百代存
威稜懾沙漠忠義感乾坤老將黯無色儒生安敢論
解圍憑廟筭止殺報君恩唯有關河渺蒼茫空樹墩

古樂府飛龍曲留上陳左相

德以精靈降時膺夢寐求蒼生謝安石天子富民侯尊
俎資高論巖廊抱大猷相門連戶牖卿族嗣弓裘豁達
雲開霽清明月映秋能為吉甫頌善用子房籌階砌思
攀陟門闌尚阻脩高山不易仰大匠本難投跡與松喬
合心緣啓沃留公才山吏部書癖杜荊州幸沐千年聖
何辭一尉休折腰知寵辱迴首見沈浮天地莊生馬江
湖范蠡舟道遙堪自樂浩蕩信無憂去此從黃綬歸歎

任白頭風塵與霄漢瞻望日悠悠

留上李右相

風俗登淳古君臣挹大庭深沈謀九德密勿契千齡獨
立調元氣清心豁宵寢本枝連帝系長策冠生靈傳說
明殷道蕭何律漢刑鈞衡持國柄柱石總賢經隱軫江
山藻氛氲鼎鼐銘興中皆白雪身外即丹青江海呼窮
鳥詩書問聚螢吹噓成羽翼提握動芳馨倚伏悲還笑
棲遲醉復醒恩榮初就列含育忝宵形有竊丘山惠無

時枕席寧壯心
瞻落景生事感
浮萍莫以才難
用終期
善易聽未為門
下客徒謝少微
星

唐詩品彙卷七十四

欽定四庫全書

唐詩品彙卷七十五

明 高棟 編

五言排律五

大家

杜甫

千秋節有感二首

按唐紀玄宗八月五日生宴百官於花萼樓下百官因表

請以每年八月五日為中秋節王公以下獻鏡及承露囊此詩大厯四年秋潭州作

自罷千秋節頻傷八月來先朝常宴會壯觀已塵埃鳳
紀編生日龍池塹劫灰湘川新涕淚秦樹遠樓臺寶鏡
羣臣得金吾萬國迴衢尊不重飲白首獨餘哀

御氣雲樓敞含風綵仗高仙人張內樂王母獻宮桃羅
襪紅蕖豔金羈白雪毛舞階銜壽酒走索背秋毫聖主
他年貴邊心此日勞桂江流向北滿眼送波濤

九日

故里樊川菊登高素滌源他時一笑後今日幾人存正

峽蟠江路終南對國門繫舟身萬里伏枕淚雙痕為客
裁烏帽從兒具綠尊佳辰對羣盜愁絕更堪論

重經昭陵

草昧英雄起謳歌歷數歸風塵三尺劍社稷一戎衣翼
亮貞文德丕承戢武威聖圖天廣大宗祀日光輝陵寢
盤空曲熊羆守翠微再窺松柏路還見五雲飛

王閬州筵奉酌十一舅惜別之作

萬壑樹聲滿千崖秋氣高浮舟出郡郭別酒寄江濤良

會不復久此生何太勞窮愁但有骨羣盜尚如毛吾舅
惜分手使君寒贈袍沙頭暮黃鶴失侶亦哀號

春歸

苔徑臨江竹茅簷覆地花別來頻甲子歸到忽春華倚
杖看孤石傾壺就淺沙遠鷗浮水靜輕燕受風斜

劉云
有態

世路雖多梗吾生亦有涯此身醒復醉乘興即為家

江陵望幸

雄都元壯麗望幸歛威神地利西通蜀天文北照秦風

煙含越鳥舟楫控吳人

且悲且喜
倉卒有氣

未枉周王駕終期漢

武巡甲兵分聖旨居守付宗臣早發雲臺仗恩波起涸

鱗

太歲日

楚岸行將老巫山坐復春病多猶是客謀拙竟何人閭

闔開黃道衣冠拜紫宸

劉云尋
常大禮

榮光懸日月賜予出金

銀愁寂駕行斷參差虎穴鄰西江元下蜀北斗故臨秦

散地逾高枕生涯脫要津天邊梅柳樹相見幾回新

欽定四庫全書

唐詩品彙
卷七十五

三

夏夜李尚書筵送宇文石首赴縣聯句

李尚書
名之芳

宇文名或尚書之甥
也石首屬江陵縣

愛客尚書重之官宅相賢

甫

酒香傾坐側帆影駐江邊

之芳翟表郎官貴鳬看令宰仙

或

雨稀雲葉斷夜久燭花

偏

甫

數語歌紗帽高文擲綵箋

之芳

興饒行處樂離惜醉

中眠

或

單父長多暇河陽實少年

甫

客居逢自出為別

幾淒然

之芳

立秋日雨院中有作

山雲行絕塞大火復西流飛雨動華屋蕭蕭梁棟秋窮
途愧知己暮齒借前籌已費清晨謁那成長者謀解衣
開北戶高枕對南樓樹濕風涼進江喧水氣浮禮寬心
有適節爽病微瘳主將歸調鼎吾還訪舊丘

奉和嚴中丞西城晚眺

汲黯匡君切廉頗出將頻直詞才不世雄畧動如神政
簡移風速詩清立意新層城臨媚景絕域望餘春旗尾
蛟龍會樓頭燕雀馴地平江動蜀天濶樹浮秦

劉云浮
動二字

最佳動
字為勝

帝念深分閫軍須遠算緡花羅封蛺蝶瑞錦送

麒麟辭第輸高義觀圖憶古人征南多興緒事業暗相

親

劉云暗相親者深欲
倚以成功業也惜哉

送嚴侍郎到綿州同登杜使君江樓燕

得心
字

野興每難盡江樓延賞心歸朝送使節落景惜登臨稍
稍煙集渚微微風動襟重船依淺瀨輕鳥度層陰檻峻
背幽谷牕虛交茂林鐙光散遠近月彩靜高深城擁朝
來客天橫醉後參

劉云落
落有

窮途衰謝意苦調短長吟此

會共能幾諸孫賢至今不勞朱戶閑自待白河沈

奉觀嚴鄭公廳事岷山沱江圖

得忘字

沱水臨中座岷山赴北堂白波吹粉壁青嶂插雕梁

楊誠

齊詩話云此以畫為真也

直訝杉松冷兼疑菱荇香雪雲虛點綴沙

草得微茫嶺鴈隨毫末川霓飲練光霏紅洲蓋亂拂黛

石蘿長暗谷非關雨丹楓不為霜秋成玄圃外景物洞

庭傍繪事功殊絕幽襟興激昂從來謝太傅丘壑道難

忘

劉云此篇句句看畫意政似未離本處謂義盡分明兒童之見也

陪鄭公秋晚北池臨眺

北池雲水濶華館闌秋風獨鶴先依渚衰荷且映空採
菱寒刺上踏藕野泥中素櫂分曹往金盤小徑通萋萋
露草碧片片晚旗紅杯酒沾津吏衣裳與釣翁異鄉初
艷菊故里亦高桐搖落關山思淹留戰伐功嚴城殊未
掩清燕已知終何補參軍乏驩娛到薄躬

哭李尚書

漳濱與蒿里逝水竟同年欲掛留徐劍猶回憶戴船相

知成白首此別間黃泉風雨嗟何及江湖涕泣然脩文
將管輅奉使失張騫史閣行人在詩家秀句傳客亭鞍
馬絕旅櫬網蟲懸復魄昭丘遠歸魂素漣偏樵蘇封葬
地喉舌罷朝天秋色凋春草王孫若箇邊

臨邑舍弟書至苦雨黃河汎溢隄防之患簿領
所憂因寄此詩用寬其意

二儀積風雨百谷漏波濤

劉云大
家數語

聞道黃河拆遙連滄

海高職司憂悄悄郡國訴嗷嗷舍弟卑棲邑防川領簿

曹尺書前日至版築不時操難假鼃鼃力空膽烏鵲毛
燕南吹猷畝濟上沒蓬蒿螺蚌滿近郭蛟螭乘九臯徐
關深水府碣石小秋毫白屋留孤樹青天失萬艘

劉云
隨事

有氣無
不可寫

吾衰同汎梗利涉想蟠桃賴倚天涯釣猶能掣

巨鰲

行次昭陵

太宗在
醴泉縣

舊俗疲庸主羣雄問獨夫

劉云有
典有則

識歸龍鳳質威定虎

狼都天屬尊堯典神功協禹謨風雲隨絕足日月繼高

衡

劉云狀他父子間意

文物多師古朝廷半老儒直詞寧戮辱賢

路不崎嶇往者災猶降蒼生喘未蘇指揮安率土盪滌

撫洪鑪壯士悲陵邑幽人拜鼎湖玉衣晨自舉鐵馬汗

常趨

劉云上句寂寥下句清興皆玄意入冥矣

松栢瞻虛殿塵沙立暝途寂

寥開國日流恨滿山隅

送楊六判官使西蕃

送遠秋風落西征海氣寒帝京氛祲滿人別離難絕域

遙懷怒和親願結歡勅書憐贊普

劉云吐蕃君長名

兵甲望長

安宣命前程急惟良待士寬子雲清自守今日起為官
垂淚方投筆傷時即據鞍儒衣山鳥怪漢節聖童看邊
酒排金盃夷歌捧玉盤草肥蕃馬健雪重拂廬吐蕃聯
耗帳以
為居號大
小拂廬也乾慎爾參籌畫從茲正羽翰歸來權可取九
萬一朝搏

冬日洛城北謁玄元皇帝廟

配極玄都闕憑高禁籙長守祧嚴具禮掌節鎮非常碧
瓦初寒外金莖一氣傍山河扶繡戶日月近雕梁僊李

盤根大倚蘭奕葉光世家遺舊史道德付今王畫手看前
輩吳生遠擅場森羅移地軸妙絕動宮牆五聖聯龍衮
千官列鴈行冕旒俱秀發旌旆盡飛揚翠栢深留景紅
梨迥得霜風箏吹玉柱露井凍銀牀身退卑周室經傳
拱漢皇劉云在周時為柱史卑矣然能使後代拱而師事之此詩意也谷神如不死養
拙更何鄉

謁先主廟

慘愴風雲會乘時各有人力侔分社稷志屈偃經綸

劉云

未得渾渾有無限可感開基季世君臣心事不復漢留
分遠近不立賓主老人口老人耳彷彿盡之矣

長策中原仗老臣雜耕心未已歐血事酸辛霸氣西南

歇雄圖歷數屯

劉云寂寞語壯浪

錦江元過楚劍閣復通秦

劉云

分之未幾而復合乎波傷感無如此兩句舊解誤甚

舊俗存祠廟空山泣鬼神虛

檐交鳥道枯木半龍鱗

劉云寂寞語奇麗

竹送清溪月苔移玉

座春閣閭兒女換歌舞歲時新絕域歸舟遠荒城繫馬

頻如何對搖落況乃久風塵

劉云十字歸合古今

孰與關張並功

臨耿鄧親應天才不小

劉云使其果因天運厚德之才亦宜小哉

得士契無

鄰

劉云謂武侯相得無此即此便不可及

遲莫堪帷幄飄零且釣緜

劉云其自

此

負如向來憂國淚寂寞灑衣巾

劉云首尾曲折句句與實有味真大手真蜀先

主廟詩評

意皆含

贈特進汝陽王二十韵

特進羣公表天人夙德升霜蹄千里駿風翻九霄鵬服

禮求毫髮推忠忘寢興聖情常有眷朝退若無憑

劉云言其

不藉貴勢語獨精微

仙醴來浮蟻竒毛或賜鷹清闕塵不雜中使

日相乘晚節嬉遊簡平居孝義稱自多親棣萼誰敢問

山陵

劉云山陵指祖宗最有體味長

學業醇儒富辭華哲匠能筆飛鸞

聳立章罷鳳騫騰精理通談笑忘形向友朋寸腸堪繼

緒一諾宣驕矜已忝歸曹植何知對李膺招要恩屢至

崇重力難勝披霧初歡夕高秋爽氣澄樽罍臨極浦鳬

鴈宿張燈花月窮遊燕炎天避鬱蒸硯寒金井水簷凍

玉壺冰瓢飲唯三巡巖棲在百層謬持螯測海況挹酒

如澠鴻寶寧全秘丹梯庶可凌淮王門有客終不愧孫

登

投贈哥舒開府翰二十韻

今代麒麟閣何人第一功君王自神武駕馭必英雄

劉云

頌贊有體得故事外意

開府當朝傑論兵邁古風先鋒百勝在畧

地兩隅空青海無傳箭天山早挂弓廉頗仍走敵魏絳

已和戎每惜河湟棄新兼節制通智謀垂睿想出入冠

諸公日月低秦樹乾坤繞漢宮

劉云此語在投贈中有氣若鋪寫宮闕則俗矣

作者自知之

胡人愁逐北宛馬又從東受命邊沙遠歸來御

席同軒墀曾寵鶴

劉云寵鶴衛懿公事此語甚愧士大夫

畋獵舊非熊

劉云

謂得之微賤詩中開人無限類耳畧舉其似

茅土加名數山河誓始終策行

遺戰伐契合動昭融勲業青冥上交親氣概中未為珠

履客已見白頭翁壯節初題柱生涯獨轉蓬幾年春草

歇今日暮途窮軍事留孫楚行間識呂蒙防身一長劍

將欲倚崆峒

劉云歸倚語不儉用

上韋左相

鳳歷軒轅紀龍飛四十春八荒開壽域一氣轉洪鈞

劉云

頌相業多矣未有如此軒豁快意者

霖雨思賢佐丹青憶老臣應圖求駿

馬驚代得麒麟沙汰江河濁調和鼎鼐新韋賢初相漢
范叔已歸秦盛業今如此傳經固絕倫豫章深出地滄
海濶無津北斗司喉舌東方領縉紳持衡留藻鑒聽履
上星辰獨步才超古餘波德照鄰聰明過管輅尺牘倒
陳遵豈是池中物由來席上珍廟堂知至理風俗盡還
淳才傑俱登用愚蒙但隱淪長卿多病久子夏索居貧
回首驅流俗生涯似衆人巫咸不可問鄒魯莫容身感
激時將晚蒼茫興有神為君歌此曲涕淚在衣巾

寄李白二首

古今詩話云少陵贈李白二十韻備叙白事盡得其故跡

昔年有狂客號爾謫仙人筆落驚風雨詩成泣鬼神

劉云

彼此各稱自喻適意太白足以當之

聲名從此大汨沒一朝伸文彩承殊

渥流傳必絕倫龍舟移棹晚獸錦奪袍新白日來深殿
青雲滿後塵乞歸優詔許遇我宿心親未負幽棲志兼
全寵辱身劇談憐野逸嗜酒見天真醉舞梁園夜行歌
泗水春才高心不展道屈善無鄰處士彌衡俊諸生原
憲貧稻粱求未足薏苡謗何頻五嶺炎蒸地三危放逐

臣幾年遭鵬鳥獨泣向麒麟
蘇武先還漢黃公豈事秦
楚廷辭醴日梁獄上書辰
已用當時法誰將此義陳
老吟秋月下病起暮江濱
莫怪恩波隔乘槎與問津

喜聞官軍已臨賊境

胡虜潛京縣官軍擁賊壕
鼎魚猶假息穴蟻欲何逃
帳殿羅玄冕轅門照白袍
秦山當警蹕漢苑入旌旄
路失羊腸險雲橫雉尾高
五原空壁壘八水散風濤
今日看天意遊魂貸爾曹
乞降那更得尚詐莫徒勞
元帥歸龍

種司空握豹韜前軍蘇武節左將呂虔刀兵氣回飛鳥
威聲沒巨鰲戈鋌開雪色弓矢向秋毫天步艱方盡時
和運更遭誰云遺毒螫已是沃腥臊睿想丹墀近神行
羽衛牢花門騰絕漠拓羯渡臨洮此輩感恩至羸俘何
足操鋒先衣染血騎突劍吹毛喜覺都城動悲連子女
號家家賣釵釧準擬獻香膠

范德機云形容人心望治之極只如此筆力有餘故

雖極處語
輒從容耳

唐詩品彙卷七十五

欽定四庫全書

唐詩品彙卷七十六

明 高棟 編

五言排律六

羽翼

李頎

宿香山寺石樓

夜宿翠微半高樓聞暗泉漁舟帶遠火山磬發孤烟衣

拂雲松外門清河漢邊峰巒依枕席世界接人天靄靄
花出霧輝輝星映川東林曙鶯滿惆悵欲言還

題少府監李丞山池

能向府亭內置茲山與林他人驕驕馬而我薜蘿心雨
止禁門肅鶯啼官柳深長廊閱軍器積水背城陰牕外
王孫草牀頭中散琴清風多仰慕吾亦爾知音

聖善閣送裴迪入京

雪華滿高閣苔色上構闌藥草空堦靜梧桐返照寒清

吟可愈疾攜手暫同歡墜葉和金磬饑鳥鳴露盤伊流
惜東別灞水向西看舊託含香署雲霄何足難

送劉主簿歸金壇

與子十年舊其如難別何宦遊憐故國歸夢是滄波京
口青山遠金陵芳草多雲帆曉容裔江日晝清和縣郭
舟人飲津亭漁者歌茅山有仙洞羨爾再經過

送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前程聞

道淮陽守東南卧理清郡齋觀政日人馬望鄉情疊嶺
雪初霽寒砧霜後鳴臨行嗟拜手寂寞事躬耕

送盧少府赴延陵

問君從宦所何日府中趨遙指金陵縣青山天一隅行
人懷寸祿小吏獻新圖北固波濤險南山風俗殊春江
連橘柚晚景媚菰蒲漠漠花生渚亭亭雲過湖灘沙映
村火水霧歛檣烏回首東門路鄉書不可無

岑參

早秋與諸子登號州西亭觀眺

得低字

亭高出鳥外客到與雲齊
樹點千家小天圍萬嶺低
殘虹挂陝北急雨過關西
酒榼緣青壁瓜田傍綠溪
微官何足道愛客且相攜
唯有鄉園處依依望不迷

六月十三日水亭送華陰王少府還縣

亭晚人將別池涼酒未酣
關門勞夕夢仙掌引歸驂
荷葉藏魚艇藤花冒客簪
殘雲收夏暑新雨帶秋嵐
失路情無適離懷思不堪
賴茲庭戶裏別有小江潭

送盧郎中除杭州之任

罷起郎官草初分刺史符海雲迎過楚江月引歸吳城
底濤聲震樓頭蜃氣孤千家窺驛舫五馬飲春湖柳色
供詩用鶯聲送酒須知君望鄉處枉道上姑蘇

奉追李賓客荆南送親

迎親辭望苑恩詔下儲闈昨見雙魚去今看駟馬歸驛
帆湘水濶客舍楚山稀手把黃香扇身披萊子衣鵲隨
金印喜烏傍板輿飛勝作東征賦還家滿路輝

送郭僕射節制劍南

鐵馬擐紅纓
幡旂出禁城
明王親授鉞
丞相欲專征
玉饌天厨送
金杯御酒傾
劍門乘險過
閣道踏空行
山鳥驚吹笛
江猿看洗兵
曉雲隨去陣
夜月逐行營
南仲今時往
西戎計日平
將心感知已
萬里寄旗旌

送嚴黃門拜御史大夫再鎮蜀川兼覲省

授鉞辭金殿
秉恩戀玉墀
登壇漢主用
講德蜀人思
副相韓安國
黃門向子期
刀州重入夢
劍閣再題詞
春草

連青綬晴花間赤旗山鶯朝送酒江月夜供詩許國分
憂日榮親色養時蒼生望已久來去不應遲

盧象

送祖詠

田家宜伏臘歲晏子言歸石路雪初下荒村雞共飛東
原多烟火北澗隱寒輝滿酌野人酒倦開鄰女機胡為
困樵采幾日罷朝衣

趙都護燕別

下客候旌麾元戎復在斯門開都護府兵動羽林兒點
虜多翻覆謀臣有別離智同天所授恩共日相隨漢史
開賓幙胡笳送酒卮風霜迎馬首雨雪事魚麗在策應
無戰深情屬載馳不應行萬里明主寄安危

贈張均員外

公門世業昌才子冠裴王出自平津郎還為吏部郎神
仙餘氣色列宿動輝光

劉云其形容人物如此
不見其俗彌見其高

夜直南

宮靜朝趨北禁長時人窺水鏡明主賜衣裳翰苑飛鸚

鵝天池待鳳凰永欣疇日顧未記後時傷去去圖南遠
微才幸不忘

追涼歷下古城西北此地有清泉喬木

謝朓出華省王祥貽佩刀前賢真可慕衰疾意空勞貞
悔不自卜遊隨共爾曹未能齊得喪時復誦離騷閒陰
七賢地醉餐二士桃蒼苔虞舜井喬木古城壕漁父偏
和狎堯年不可逃蟬鳴秋雨霽雲白曉山高咫尺傳雙
鯉吹噓借一毛故人皆得路誰肯念同袍

崔顥

相逢行

妾年初二八家住洛陽頭
玉戶臨馳道朱門近御溝
使君何暇問夫婿大長秋
女弟新承寵諸兄近拜侯
春生百子殿花發五城樓
出入千門裏年年樂未休

遼西作

燕郊方歲晚殘雪凍遼城
四月青草合遼陽春水生
胡人正牧馬漢將日征兵
露重寶刀濕沙虛金鼓鳴
寒衣

著已盡春服與誰成寄語洛陽便為傳邊塞情

奉和許給事夜直簡諸公

西掖黃樞近東曹紫禁連地因公子拜人用省郎遷夜
直千門靜河明萬象懸建章宵漏急閭闔曉鐘傳寵列
貂蟬位恩深侍從年九重初起草五夜即成篇顧已無
官次循厓但自憐遠陪蘭渚作空此仰神仙

王昌齡

同王維集青龍寺曇壁上人兄院詩五韻

本來清淨所竹樹引幽陰簷外含山翠人間出世心圓
通無有象聖境不能侵真是吾兄法何妨友弟深天香
自然會靈異識鐘音

夏日華萼樓酺宴應制

土德三元正堯心萬國同汾陽備冬禮長樂應和風賜
慶垂天澤留歡舊渚宮樓臺生海上簫鼓出天中霧曉
筵初接宵長曲未終雨隨行幘合日照舞羅空玉陛分
朝列文章發聖聰愚臣忝書賦歌詠誦絲桐

王縉

同王昌齡裴迪諸人遊青龍寺曇壁上人兄院

集和兄維

林中空寂舍階下終南山高卧一牀上迴看六合間浮
雲幾處滅飛鳥何時還問義天人接無心世界間誰知

大隱者兄弟自追攀

劉云
好

遊悟真寺

聞道黃金地仍開白玉田擲山移巨石呪嶺出飛泉猛

虎同三徑愁猿學四禪
買香燃綠桂乞火踏紅蓮
草色搖霞起松聲汎月邊
山河窮百二世界接三千
梵宇聊憑視王城遂渺然
灞陵纔出樹渭水欲連天
遠縣分諸郭孤村起白烟
望雲思聖主披霧憶羣賢
薄宦慚尸素終身擬尚玄
誰知草菴客曾和栢梁篇

儲光義

大酺

得長字韻時
任安宜尉

大道啓元命時人居太康中
朝發玄澤下國被天光明

詔始端午初筵當履霜鼓聲迎爽氣羽籥映新陽太守
即玄圃淮夷成葆疆小臣慚下位拜手頌靈長

和蕭兵曹

公府傳休沐私庭效陸沈方知從大隱非復在幽林闕
下忠貞志人間孝友心既將冠蓋雅仍與薜蘿深寒變
中國柳春歸上苑禽池涵青草色山帶白雲陰潘岳閒
居賦鍾期流水琴一經當自足何用遺黃金

崔國輔

奉和上巳祓禊應制

元已秦中節
吾君灞上遊
鳴鑾通禁苑
別館繞芳洲
鷺千官列
魚龍百戲浮
桃花春欲盡
穀雨夜來收
慶向堯尊祝
歡從楚棹謳
逸詩何足對
宵作掩東周

九日宴

運偶千年聖
時傳九日神
堯樽列鐘鼓
漢闕闢鈎陳
金錄三清降
瓊筵五老巡
始驚蘭佩出
復詠栢梁新
雲雁樓前晚
霜花酒裏春
歡娛無限極
書劍太平人

祖詠

清明宴司勳劉郎中別業

田家復近臣行樂不違親
霽日園林好清明烟火新
以文常會友唯德自成鄰
池照牕陰晚杯香藥味春
欄前花覆地竹外鳥窺人
何必桃源裏深居作隱淪

家園夜坐寄郭微

前堦微雨歇開戶散窺林
月出夜方淺水涼地更深
餘風生竹樹清露薄衣襟
遇物遂遙歎懷人滋遠心
依稀

成夢想影響絕徽音誰念窮居者明時嗟陸沈

陶翰

送金卿歸新羅

奉義朝中國殊恩及遠臣鄉心遙渡海客路再經春
落日誰同望孤舟獨可親拂波銜木鳥偶宿泣珠人
禮樂夷風變衣冠漢制新青雲已干呂知汝重來賓

柳陌聽流鶯

忽來枝上轉還似谷中聲乍使香閨靜偏傷遠客情
間

關難辨處斷續若頻驚玉勒留將久青樓夢不成千門
候曉發萬井報春生徒有知音賞慙非臯鶴鳴

劉慎虛

積雪為小山

飛雪伴春還春庭曉自閒虛心應任道遇賞遂成山峰
小形全秀巖虛勢莫攀以幽能皎潔謂近可循環孤影
臨水鏡寒光對玉顏不隨遲日盡留顧歲華間

鄭審

奉使巡檢兩京路種果樹事畢入秦因詠歌

聖德周天壤韶華滿帝畿九重承渙汗千里樹芳菲
陝塞餘陰薄關河舊色微發生和氣動封植衆心歸
春露條應弱秋霜果定肥影移行子益香撲使臣衣
入徑迷馳道分行接禁闈何當扈仙蹕攀折奉恩輝

王灣

殷璠云灣詞翰早著為天下所稱最者不過一二遊吳中作如擣衣篇云月華照杵空隨妾風響傳砧不列君所有衆製咸類若斯非張蔡之未見覺顏謝之彌遠乎

哭亡友綦母補闕

明代資多士儒林得異才書從金殿出人向玉墀來詞
學張平子風儀褚彥回崇儀希上德近侍接元台曩契
心期密令遊宴賞陪屢遷君擢桂分尉我從梅忽遇乘
輶客云傾構厦材泣為洹水化歎作泰山頽冀善初將
慰尋言半始猜位聯情易感交密痛難裁遠日寒旌暗
長風古挽哀寰中無舊業行處有新苔反哭魂猶寄終
喪子尚孩塋田門吏給墳木路人裁遽洩悲成往俄傳

寵令迴玄經
貽石室朱紱
耀泉臺地古
春長閑天明
夜不開登山
一臨哭揮淚
滿蒿萊

宋昱

題石窟寺

魏孝文
所置

梵宇開金地
香龕鑿鐵圍
影中羣象動
空裏衆靈飛
簾牖籠朱旭
房廊挹翠微
瑞蓮生佛步
瑤樹挂天衣
邀福功雖在
興兵代久非
誰知雲朔外
更覩化胡歸

庾狄履溫

夏晚初霽南省寓直

時兼尚書郎
節度判官

薄宦因時忝涼宵寓直初沈沈仙閣閉的的暗更徐霽
色連空上炎氣入夜除星迴南斗落月度北牕虛待漏
殘燈照含芳襲氣餘寐來冠不解奏罷草成書幕府慙
良策明曹媿散樗命輕徒有報義重更難踈驚屢欣成
託鴈行濫所如晨趨當及早復此戒朝車

冠坦

同張少府和渾秋員外夏晚初霽南省寓直時

兼充節度判官之作

黃綬歸休日仙郎復奏餘宴居當夏晚寓直會晴初路
散星文發雲披水鏡虛高才推獨唱嘉會喜連茹月色
搖春闥香烟靄暝廬千門傳夜警萬象照階除少孺嘉
能賦文強閱賜書兼曹謀未展入幕志方攄為奉靈臺
帛恭先待漏車貞標不可仰空此樂樵漁

張子容

壁池望秋月

涼夜窺清沼池空水月秋滿輪沈玉鏡半魄落銀鈎蟾
影搖輕浪菱花渡淺流漏移光漸潔雲欠色偏浮似璧
悲三獻疑珠怯再投能將千里意來照楚鄉愁

長安早春

開國移東井城池對北辰咸歌太平日共樂建寅春雪
盡黃山樹水開黑水津草迎金埒馬花醉玉樓人鴻漸
看無數鶯遷聽欲頻何當桂枝濯還及柳條新

沈東美

奉和苑舍人宿直曉翫新池寄南省友

傳聞閭闔裏寓直有神仙吏為三墳博郎因五字遷晨
臨翔鳳沼春注躍龍泉去似登天上來如看鏡前影搖
宸翰發波淨列星懸既濟仍懷友流謙欲進賢禪冠疑作

單冠聲實貴覆被渥恩偏溫室言雖阻文場契獨全玉珂
光赫奕朱紱氣蟬聯興逸潘仁賦名高謝朓篇青雲仰
不逮白雪和難牽苒苒胡為此甘心老歲年

楊浚

贈李郎中

仙郎早朝退直省卧南軒院竹自成賞階庭寂不喧焚
香開後閣起草開前門禮樂風流美光華星位尊榮兼
朱紱貴交乃布衣存是日登龍客無忘君子恩

胡衡

銜命使本國

銜命將辭國非才忝侍臣天中戀明主海外憶慈親伏
奏違金闕驂去玉津蓬萊鄉路遠若木故園鄰西望

懷恩日東歸感義辰平生一寶劍留贈結交人

張謂

同諸公遊雲公禪寺

共許尋雞足誰能惜馬蹄
長空淨雲雨斜日半虹霓
簷下千峰轉牕前萬木低
看花尋徑遠聽鳥入林迷
地與喧聞隔人將物我齊
不知樵客意何事武陵溪

梁鍾

方進士恒春草

東吳有靈草生彼剡溪傍既亂莓苔色仍連菡萏香掇
之稱遠士持以奉明王北闕願彌駐南山壽更長金膏
徒騁妙石髓莫矜良儻使霑涓滴還遊不死方

蕭穎士

越江秋曙

扁舟東路遠曉月下江濱潏灩信潮上蒼茫孤嶼分林
聲寒動葉水氣曙連雲瞰日浪中出榜歌天際聞伯鸞
常去國安道惜離羣延首剡谿近詠言懷數君

山莊月夜作

獻書嗟棄置疲拙歸田園且事計然策將符公治言桑
榆清暮景雞犬應遙村蠶罷里閭晏麥秋田野喧澗聲
連枕簟峰勢入堦軒未奏東山妓先傾北海樽隴爪香
早熟庭果落初繁更愜野人意農談朝竟昏

嚴武

酬別杜二

獨逢堯典日再覩漢官時未效風霜勁空慙雨露私夜

鐘清萬戶曙漏拂千旂並向殊庭謁俱承別館追斗城
憐舊路渦水惜歸期峰樹還相伴江雲更對垂試回滄
海棹莫妬敬亭祇是書應寄無忘酒共持但令心事
在未肯鬢毛衰最悵巴山裏清猿惱夢思

張巡

守睢陽詩


接戰春來苦孤城日漸危合圍侔月暈分守若魚麗屢
厭黃塵起時將白羽搗裏瘡猶出陣飲血更登陴忠信

應難敵堅貞諒不移無人報天子心計欲何施

王季友

玉壺水

玉壺知素結止水復中澄
堅白能虛受清寒得自凝
分形同曉鏡照物掩宵燈
壁映圓光出人驚爽氣凌金壺
何足貴瑤席幾迴升正值求珪瓚提攜共飲水



唐詩品彙卷七十六